

19

CORE CATTIVE, E CORE LIBERALE

COMMEDIA IN DUE ATTI

DI

PASQUALE ALTAVILLA

SCRITTA IN OTTOBRE 1861



NAPOLI

DALLA TIPOGRAFIA VERA

Vico Figurari N.° 51 e 52.

1861.

70739

A T T O R I

SIMONE COCOZZIELLO, *gemello di*
LORENZO, *padre di*
CARMINELLA, e
LUCIELLA

MARIA, *lavandaia*

D. GENNARO TUFO, *proprietario*

PASCARIELLO *gemello di*

PASCARELLA, *seconda moglie di Lorenzo*

TOTONNO SCAMAZZA, *amante di Car-*
minella

TITTA SCAMAZZATO, *amante di Lu-*
ciella

Un uomo di strada

A T T O P R I M O

Cortile con entrata nel mezzo : casina a dritta di Simone, e porta a sinistra ch' è l' ingresso dell' abitazione di Maria.

SCENA I.

LUCIELLA e MARIA.

(Luciella comparisce dalla casina e l' altra dalla sua abitazione)

Mar. È ttornata Carménella da Salierno?

Luc. Ah ! manco pe ssuonno.

Mar. Chesto chedè ? sonc' otto mise ch' è gghiuta da la sarta commara soja e non è ccomparza chiù : stessa malata ?

Luc. E cchi lo ssape ? t' assicuro Maria mia ca sto co no brutto penziero : a la fine è gghiuta pe na cosa de poco momento : pe se fa taglia e ccosere n' auto corpetto e gonnella secunno lo costume nuosto.

Mar. Roba de na ventina de juorne . . assomma assomma de no mese vi : e Simone lo zio vuosto che ddice ?

Luc. Simone ! Simone ! Marì non te sonnà de dicere chiù Simone. Don Simone , don Simone , nce vò no donno primmo gruosso quanto a la capo de Napole.

Mar. Ma io mo non saccio che zzièto primma faceva lo carnacottaro.

Luc. Ah! primma . . e mmo è ttutt' auto: mo è ppa-drone de doje case, e nnegozia pure nzieme co D. Pascariello.

Mar. D. Pascariello! no servitore arrozzuto mo D. Pascariello!

Luc. Già, D. Pascariello; che ceo li denare suoje ha fatto società co zziemo, e ddanno onestamente li ssomme mprièsteto.

Mar. Onestamente . . . cancaro! e lo ssaccio io cho comm'a ppoverta lavannara che ssonco, me piglio vinte ducate a la vota e nce ne torno trenta a ssè carrine la settimana . . . brutta gente! brutta gente! co na coscienza chiù nnera de na cemmenera . . . Fa buono, fa buono Carmenella che ppenza a mmari-tarse co Totonno lo proprietario de li carrozzelle d'affitto, ommacaro se nn'abbja da dinto a sta casa mmardetta . . . Tu pò te si ncaponuta a sposarte Pascariello . . .

Luc. Tu che buò sposà . . aspetta che ddico gnorzi e bbògliolo ca po sciacquà lo brito.

Mar. (soddisfatta) Ah! e ccònteme ca te conto: no' è quacch'auto chiovetiello che te sta ncore, di la verità a Maria.

Luc. Zitto pe ccarità, ca sinò me fajo accidere: tu canusce a Tittu lo negoziante de còria?

Mar. Ah! sè, sè: perche sto o veco spassià chiù dde na vota pe la casa vostra . . .

Luc. Mar!, acqua mmocca sà: chesta è na cosa che non la sape manco Carmenella sorema . . . uh! non me ncanno... (guardando al di fuori del cortile) sì, è essa, teccotella ch'è ttornata da Salerno.

Mar. Che bell' abeto che pporta neuollo, pròpete all'urdema moda vi.

Luc. Mo siente comme scassea zì Simone quanno la vede accossì bestuta. (incontrandola) Carmenè. . .

CARMINELLA, un uomo di strada e dette.

Carm. (all' uomo) Te ringrazio Nicò, tornatenne a Ssalerno, e ssalutame assaje assaje la commara mia. (via l' uomo)

Luc. Sore mia, sonc' otto mise che mmanche da ccà, m' è fatto sta co no brutto penziero.

Mar. Caspita! tene pure la capo fatta a ccornicione sollevato!

Carm. Che nne vuò fa mo, Maria mia, roba ngruosso, roba ngruosso assaje.

Mar. Vuje mme parite na principessa co sto vestito nuollo e cco sta capo fatta a zzuco de caramella.

Carm. Primma de tutto, perchè me dice vuje e nno tu comme dicive primmo?

Mar. Perchè chest' aria nobile o smargiassa mm' ha puosto nsoggezione.

Carm. Tu qua soggezione la vesta è ccagnata gnorsì ma lo core è cchiù ccarnale de primmo: tè Maria mia, no vaso a tte che to si crisciuta co nnuje, e no vaso a tte che me si ssora. lo m'aggio cosuto st' abeto e sto taglio all' urdema moda perchè nc' è stato lo genio de la commara mia ch'è na femmenona, e specialmente a sto tiempo d' oggi l' esceno rose e sfiure da la vocca lo mo ve faccio vedè na cosa che ve farrà rommani fora da li panne: t' arri cuorde sora mia quanno sò ppartuta da Napole che ppiezzo de sopressata de Nola era Carmenella?

Luc. Sine . . sine . . . e cchesto me fa meraviglia, st' abbuordo, sto ccammenà, sta presenza accossi risoluta.

Mar. St' otto mise che ssi stata fora t' hanno fatto tornà n' auta femmena.

Carm. Pe sforza Maria mia, pe sforza: mprimmese la commara appena mme vedette a la casa, volette che lo masto de scola de li piccerille suoje m'avesse mpav

rato a leggere, e io nciaggio pigliato tale passione e tale, che nòtt' e gghiuorno non aggio arreposato pe metterme a lo caso de sapè leggere, e accosel acquistà lume e cognizione.

Luc. Tu che ddice . . sapè leggere!

Mar. E' mpossibile.

Carm. Mpossibile! e persuaditeve co lo fatto. (*cava un giornale dalla saccoccia, e legge con qualche stento*)

« La libertà è un bene che ci fu dato dal Cielo dopo
« l'esistenza: i benefizi della libertà sono molti es-
« sendone estesa ed incompiuta la luce »

Mar. (*sorpresa*) Che bella cosa! che bella cosa! mme pare justo na filòsoca.

Luc. (*c. s.*) Comme s'è ffatta saccente e restituita . . ecco ccà: io mo sentenno leggere soltanto, già aggio accommenzato a arapirme lo cereviello.

Mar. Sicuramente; lo leggere pe nnuje aute femmene de vascio ceto, mo è unnecessary comme a lo mmagnà.

Carm. E ttu mo che ddice ne Luciè, che haje capito lo costrutto de chello che aggio ditto?

Luc. Ma comme; tu haje parlato de la libertà, e haje ditto ca nce dà la luce pe non ce fa sta chiù a la scura.

Mar. La luce mo comme nce la dà? nce farrà avè l'uoglio franco pe li ccase noste, è lovè?

Carm. Tu che uoglio e nzogna me vaje contanno . . . tu che te cride, chedè sta luce? ll'è pigliato pe llucerna allummata o pe lampione a gasso? gnernò. . . la luce a cchisto senzo è cchella che se chiamma capacità, ragione; razioèloneco. . .

Mar. Aggio capito, aggio capito . . viva viva la dottoressa.

Luc. Viva la pagliettessa.

Carm. Grazie grazie, (*inchinandosi con caricatura*) ve sonco obbrigata, ve songo obbrigata. . .

Luc. Liegge appriesso.

Carm. (*legge*) « Questo gran bene che ognuno prizza. .

— 7 —
SCENA III.

SIMONE e dette quindi PASCARIELLO.

Sim. Che! tu sì ttornata da Salierno e staje ca no giornale mmano!!!

Carm. Giornale, sissignore, giornale. Dinto a st' otto mise me sò mparata bastantemente e mme saccio dicere lo fatto mio... Che ve credite ch'era comm' apprimmo che mme teniveve vestuta comm' a ssorema da vasciajola, e abbannonata dinto a la mazzamma? oibò, oibò... sò asciuta da chelle scurità e boglio seguità a ccanoscere che significa la scienzia ch'è ssora carnale de la virtù, e tutte doje modellano lo core che ttenimmo mpietto pe ffarlo essere amoroso e tellecariello. Gnoro zio mio, mo è sfatto juorno, e cchello che ssaccio io mo lo mparo a ssorema, Maria, e l' aute compagne meje si accorre: nuje aute femmene de basso ceto nciavimmo da scordà de fa li strillazzare, d' ausà chilli tratte accossi pesante e materiale... oibò, che ssonco sti contrasto, sti cose che te toccano lo stommaco... civiltà, libertà, scioltezza, e la vita se renne sempecchiù bella e piacevole.

(entra nel palazzo con sussiego)

Luc. (con tuono) A leggere, a leggere Maria mia.

Mar. Sine sine, e quanno sarrà la primma lezione?

Luc. Oggi, a ccurto a ccurto; e poi...

Mar. E ppò sciordezza franchezza e ccivirtà.

A due. Addio, addio.

(viano la prima nel palazzo, l'altra nella sua abitazione)

Sim. Mo m'afferra na convulzione!... bene mio! mo moro: cheste se sò pure mbastardute de la vita sciòveta, cheste mo sò asciute da lo sinco de l'ubbidienza mia, fanno li spiritose, li sfaccetoste, se mparano chiù de leggere e scrivere, se confàfano nfra de lloro... accossi ponno appurà l'affare de la pensione che ttenono de 30 ducate a lo mese pedono.. e io vaeo

pezzenno ! . . Sò mmuorto , bene mio , sò mmuorto ! (prende una sedia vicino la casa di Maria e si abbandona)

Pasc. (comparisce dal mezzo e si sorprende) Uh ! ! che-
dè . . D. Simò . . D. Simò . .

Sim. Sò mmuorto.

Pasc. E ssarraje nò muorto chiacchiarone . . tu staje parlanno.

Sim. Sò mmuorto , sò rummaso senza sanco neuollo.

Pasc. Ma perchè ? ch'è stato ? che mmalora è ssuccies-
so ? nciavessero truffato quacche partetella ? fosse
muorto quacche debitore nuosto ? . non te ne pigli'à..
cheste sò cose che banno e beneno : more no debi-
tore , chillo che nce resta vivo la sconta e lo scorte-
cammo da meglio mmeglio : ecco cca , io mo ag-
gio fatto duje affare belle frische frische : a uno l'ag-
gio dato 50 ducate a ttornarne 70 doppo quatto mise ;
e a n'auto nce n'aggio dato 30 a ttornarne 40
doppo no mese ... bello , accossì , trosce e mmosce...

Sim. Tu che ttrosce e mmosce me vaje combinanno ,
non è cchisto l'affare . . è ccosa nova : è ccosa che
te fa asci da li panne : nuje stammo pe pperdere l'err
dinto a la famiglia.

Pasc. E nce pigliammo l'ess ch'è cchiù ausata.

Sim. Non la piglià a ppazzia secunno lo ssolito tujo ,
ca simmo fritte tutte duje ; tu comm'a mmarito che a-
vraje da essere t'acchiapparraje na mogliera spereta-
ta ; e io comm'a zzio e ccapo de la famiglia , ridurrag-
gio no zero , e asi accorre jarraggio pezzenno.

Pasc. Chesto che chiacchiarà è ? spelèfecate.

Sim. Io aggio trattato sempe de fa sta sti bardasce no-
ste a lo grado dell'ubbidienza e dde la gnoranza , è
lovè ?

Pasc. Già.

Sim. Mo è ttornata Carmenella da Salierno vestuta tut-
ta sfarzosa , co la capo fatta a ppasta crisciuta . . .
ne , e cche steva facenno mmiezo a Lluciella e Mi-
ria ? steva ligenno no giornale.

Pasc. Mbomma !!! avimmo jocato a la primera e avimmo fatto fruscio. Dinto a st'otto mise s'è mparata a leggere ! na meza de gragnano ! da lo leggere vene lo scrivere ; da lo scrivere se fanno li carcole, se scompone , lo scomporre porta lo riscaldamento de lo cerviello ; lo riscaldamento se sorchia lo sfrenamento ; lo sfrenamento ha la parte attiva sul non intervento, e tèccote compromesso tutto il paravento ! Ah ! poveriello a nuje , poverielle a nuje ! . . lo bello è che mo me mpastardesse co lo leggere pure a Lluciella mia.

Sim. Te mpastardesse ? se l'ha già carriata ,ogg' è la primma lezione.

Pasc. Lo bl ? essa se mpara a leggere e scrivere , e io aggio no cavallo ncopp' a lo tu mme ntienne.

Sim. Ma lo non me ne stonco , bonora !

Pasc. Sì , piglia mo proprio li figliole e cchiudete.

Sim. Addò addò ne'è chiù posatezza e sottomissione . . . mo pure li sfornicole se dicono li fatte lloro . . Ah ! l'arraggia mia chiù forte qua è ? che ocheste sprattechennose chiù co lo leggere e scrivere, ponno avè canoscenza de la disposizione de lo Cavaliere Errico , e s'appura che tteneno trenta ducate a lo mese pedono.

Pasc. Comme comme ! . . li sissanta ducate a lo mese che ttraseno dinto a sta casa non sò rroba toja ?

Sim. Ah ! mo te lo cconfesso : sto Cavaliere Errico ch'è stato tant'anne carcerato pe materia politeca co Lorenzo fraterno gemello , perchè lo voleva bene assaje, e pperchè non teneva pariente, a mmorte soja ha lasciato 30 ducate a lo mese pedono a Ccarmenella e Lluciella. Io quatt'anne fa suje chiamato da D. Aniello lo notaro; e d'accordo sujo a quatt' uocchie me vaco a ppiglià la mbrumma ogne mese.

Pasc. Caspita ! chesto ne'è ?

Sim. Chesto , Pascariello mio, chesto : de sta provenienza non n'ha conosciuto niente manco fraterno gemello , perchè ascette primma de lo cavaliere Errico da li coarcere; pò lle yenette na malatia a Ponza, motivo

*

pe lo quale io lle mprestaje ciente ducate e nne tenco ancora no bono firmato mbianco; doppo de chesto jette a lo spetale, e ppe quanto mme s'è dditto, llà dinto è mmuorto.

Pas. (Chesto lo ssaccio pecchè sorema Pascarella che l'as-sesteva dinto a lo spetale, prima de morì pur' essa a mmare ntempesta, me lo facette scrivere da no postiero.)

Sim. Ne... ne... alò! risolvimmoce, se faccia sapè subeto sto fatto a Totonno lo padrone de carrozze che s'ha dda sposà a Ccarmenella.

Pas. E ppurzi a D. Gennaro Tufo lo proprietario che tte la cercaje tiempo fà.

Sim. No... no, Totonno è buono. Gnorsì, mo accommenzammo a llepetià purzi co lloro, secuno la canzona de tutte quante — è ocostituzione, è llibertà, s'ha dda fa bene, e s'ha dd' ajutà lo prossemo — che prossemo e pprossemo... lo prossemo pe mme è la moneta che ttenco dinto a la sacca.

Pas. Già, ca quanno te manca non si echiù ommo; ma si no muorto che pparlà.

Sim. Gnorsì... mo mme vaco ntricanno de chi non magna, de chi non beve, de chi s'allanga pe la famma.. tu che mme cunte, prima caretas...

Pas. E ppò caretatebus... Bella leggel — simmo frate, simmo frate — siente di, e ppe sti frate nuje avimmo da addeventà doje patate.

Sim. Tu che me staje combinanno... lo munno sempe accossì è gghiuto: chi crepa pe lo troppo magnà, e echi scola pe la famma; ca si fossemo tutte quante eguale non se chiammarria munno.

Pas. Già, se chiammarria cuccagna.

Sim. La scala ncià dda essere, sì o no?

Pas. Sicuramente, ncià dda essere la scala e la funa: la scala serve pe ffa sagli chi sape sagli; la funa serve pe ffa scennere chi s'ha dda mpennere.

Sim. Tu noi te n'incaricà: mettimmocè paglia sotto e sfacimmocè ricchè a la faccia lloro.

Pas. Sì: a la faccia de chi no lo ppo vedè.

Sim. Te voglio bene pecchè pienze tal' e quale comm'a mme, parente affezionato de Simone Cocozziello.

Pas. Unico amico e pparente de Pascariello Carota

Sim. La carota non ha dda sta maje divisa da lo cocozziello.

Pas. None, none; e la carota e lo cocozziello hanno da dà tosse a li cocozze longhe. Tè, no vaso.

Sim. N' abbraccio.

(entrano entrambi nel palazzo e chiudono)

SCENA IV.

Odesi per poco un suono dal di dentro; quindi compariscono dal mezzo LORENZO gemello di Simone, e PASCARIELLA gemella di Pascariello: il primo suona il violino acostume di fuori, la seconda vestita da villana, suona l'arpa: in seguito si presenta MARIA dalla sua abitazione.

(I suddetti attori restano per poco a suonare dirimpetto la casa di Maria)

Lor. Mogliera mia, è mmoscia la jornata; stammatina la tavola se fa senza sarvietto.

Pascarella. Staje buono tu marito mio? e cchesto me preme: pane asciutto, pane e ccaso, tutto m'acconcia. Sulo me dispiace de chillo carrino ch'è dato poco primmo a lo scartellato; unica e ssola moneta che nce poteva fa addobbà stammatina.

Lor. Lássame capì Pascarè: da quinnece juorne che stammo a Nnapole, si rrummasa maje diuna?

Pascarella. No.

Lor. E mmanco nce starraje, siente a mme; nuje co cchesta ndustria magnajemo ajere, e echillo povero scattaba da l'autriere non provava mollica de pane: ecco pecchè steva asseltato a no grado quase assempeato.

Pascarella. Tutto va buono, ma sta lopa vestuta co mmangiglia e ccappelletto, io addò la vado a pposà?

Lor. Non trica na mezz' ora e nnuje mangiammo , sienta mme. Sona , sona... (*seguitano come prima*)

Mar. (*ricomparisce*) Chiste addò sò benute a ssonà!.. bell' gente meje, dintò a sto cortile non ne ricavate niente lo patrone che sta de casa ccà è arzuto assaje, è ttirato non fa bene manco a li ggate.

Pascarella. Ne ? buono pe isso bella giovane mia.

Mar. Io sò na povera lavannara , onne ..

Lor. Capisco , capisco : camparraje a stiento , è lovè ?

Mar. Già, m'addobbo comme pozzo... (*fissando Lorenzo*) ma sò ll'ucchie mieje o me ricanno? vuje rassomigliate tal' e quale, ma spicicato proprio, a lo patrone de sta casa , e la faccia vostra (*a Pascarella*) è una stampa co lo socio sujo.

Lor. È lovè ? nce vorria mo mogliera mia e fosseimo capitate dintò a lo cortile de la casa de Simone fraterno gemello... pecchè saccio ca isso sta a Nnapole.

Mar. Uh ! justo justo , isso abeta ccà , e lo socio sujo è Pascariello.

Pascarella. Fratemo ciaramello.

Lor. Gemello , gemello , Pascare.

Mar. Che bella cosa ! io mo non v'aggio maje canosciuto , ma pure m'avite dato na gran consolazione a vederve vivo ; pecchè nfamiglia de D. Simone s'è dditto ca vuje jereve muorto uno a lo spedale , e n'auta mmare ntempesta.

Lor. Nce simme sarvate , bella giovane mia, nce simmo sarvato pe grazia de lo Cielo ; e pperchè scampajemo da la morte tutte duje , jurajemo de stare sempe unite, e perciò simmo marito e mmogliera.

Pascarella. Senza figlie però , perchè io patesco d'affetto strèpice.

Mar. Se vede a la faccia che site ntufatella.

Pascarella. Sì , patisco assaje, gioja mia , co ttutto che aggio fatta la cura d'assafetela e uoglio de segato de merluzzo , p'avè no sproccolillo de figlio.

Mar. Pè buje sarria novità avè no figlio , ma pe lo sì Lorenzo ch'è bidovo comme sò bedova io...

Lor. E ccomme saje li fatte mieje ?

Mar. Me l'hanno ditto li figlie voste Luciella e Ccarmenella.

Lor. Li figlie mejel e cchelle stanno dinto a lo serraglio addò se nne jettero piccerelle, quanno io jette carcerato a Pponza.

Mar. Vuje state scarzo de notizie : lo frate vuosto Simone li llevaje da llà , e mmo se sò ffatte doje belle piezze de figliole e stanno ncoppa.

Lor. Stanno ncopp'a sta casa !

Pascarella. Uh che ppiacere ! me voglia abbraccià li figliastre meje.

Lor. No, che ffajè mogliera mia... lo saccio l'indole maligna de fratesto, se li ha pigliate dinto a la casa credennome muorto, ma si appura ca io sò bivo è ccapace de conziguaremmelle e ghiammo pezzenno tutte quate; maggiormente perchè io l'aggio da dà ciente ducato che mme imprestaje quanno io steva malato a Pponza, e ttene pure no bono firmato in bianco.

Mar. Caspita ! tenite na carta firmata foral sè sciacquarisseve buono lo brito; chillo sarria capace pe sto fatto de farve pure carcerà pe debeto.

Pascarella. A la nasceta de la mamma ?

Mar. Sapite che bolite fa ? annasconniteve dinto a la casa mia , posate li strumente , arreposateve , ca io mo de foracchio li ffaccio scennere ccà abbascio p'abbracciarve.

Lor. Sine sine , lo Cielo te lo ppozza rennere.

Pascarella. Femmena de core , femmena veramente caritatevole...

Mar. Cheste mo sò pparole superchie... jate... aspettate-me dinto e ddigerite lo prenzo che avite fatto.

Pascarella. Tu che buò digeri, nuje stammo co la trippa al primo offerente.

Mar. Ch'aggio da fa ? non avite mangiato ancora !

Pascarella. Nè nc'è speranza de mangià, perchè non tenimmo manco l'addore de no treccalle.

Mar. Auh ! povera gente... comme nce patisco!... Io sò na misera lavannara e non aggio comme... (*risoluto*)

Ora, a cchello che nne vene vene: non sia maje che ddinto a la casa de Maria vuje state a ccuorpo diuno: mo ncredenza ve piglio quaccosa, e vve faccio soppon-tà lo spireto.

Lor. Tu che ddice! sì na povera lavannara, e tte vuò fa no debeto pe...

Mar. Perchè? pe ssoccorrere li bisognuse comme a mme... sine, sine, co lo sciato si accorre ve voglio ajutà, stammo a sta bell'epoca e la fratellanza nce lo ccom-manna... Assettatevi dinto ca no quarto d'ora e ttor-uo. (via)

Lor. (commosso eccessivamente, dopo breve pausa sog-giunge.) Acchiappa. . Acchiappa. . .

Pascarella Che cosa?

Lor. Acchiappa lo moccaturu pe ppolizzarme li llagreme che mmo me scorreno.

Pascarella. Sine, haje ragione.. e ttu appilame, appilamo.

Lor. Che buò appilà?

Pascarella. Li stontanelle dell' uocchie che accommenza-no a llammocà.

Lor. Lo bi mogliera mia?.. che t'aggio ditto ca chillo carrino dato pe carità, nciassicurava la magnata stam-matina?

Pascarella. Haje ragione, marito mio de zuccaro.

Lor. Sto core de sta giovane mo me fa arricordà de lo buon core de lo cavaliere Errico che steva carcerato co mme; ca de lo mmagnà sujo me ne faceva sempe porzione. . . Eh! mogliera mia, si s' osservasse ge-neralmente sto piglia e pporta de fratellanza, sarria-mo felice tutte quante. L' ommo, sguigliato che fuje scopp a sta terra, non solamente se vedette vestuto de carne osso e ppella, che ssonco cose che banno a fferì na vota; ma lle fuje chiazata mpietto n' ar-ma, e attuorno a st' arma stanno scritte cheste ppa-role che se chiammano lo zuchillo de la vita uma-na — Ama a cehi t' ha criato — Ama lo prossemo tu-jo — Compenza li ffatiche de l' operajo — E cchello che non buò pe tte non sia pe l' autre.

Pascarella. Lloco te voglio marito mio , s'osservassero da tutte quante sti belle masseme , gnerò. . .

Lor. Ma se sole dicere , mo se negozia a lo trenta pe cciento : dinto a cciente nne truove trenta che fiano sti belle cose: sti trenta ne sorchiano n' auti trenta: sti sissanta sò la calamita pe n' auti ssissanta : e sperammo a lo Cielo che se spanne st' ammore dinto a lo core de tutte e accossi farrimmo una famiglia felice e ccontenta.

Pascarella (commossa) Zuccariello , rammagliettiello , susamiello de Pascarella toja. . Ah! quanto pagarrìa d'avè no mascolillo che ttenesse tanta letterumma neuorpo.

Lor. Jammo dinto mo , ca de chesto pò se nne parla.
(*entrano nella casa di Maria*)

SCENA V.

TOTONNO , poi TITTA, quindi LORENZO e PASCARELLA.

Toto (vestito golantemente e con tutta la ricercatezza che usano i bravaacci de' borghi) M' hanno ditto che Ccarmenella mia sia arrivata da Salerno ; e ccomme, . . non me se manna a cchiammà! . . io non aggio fatto auto ogne ghiuorno dinto a st' otto mise, de veni a spià de la persona soja , e mmo ch' è benuta. . manco s' è ausata la crianza de passarne avviso a sto mustacciello che nce tene parola data ! Sanco de n' ai-niello allattante! Totonno Scamazza riceve chisto trattato ! e ppur' è bero ncìa dda essere chi m' ha sbertecellato lo zio . . . uh ! sè (*guardando per l' esterno*) yeco trasì cca Titta lo negoziante de coria . . cho penziero me carfetta lo cereviello . . chisto cchiù dde na vota è stato da me scontrato pe sti contuorne . . nce fosse pericolo che . . . stammo no poco a bbedè. (*si ritira nel fondo*)

Titta (comparisce similmente vestito) Io mo nn' aggio fatto ammore co figliole , n' aggio cuffiate stiratrice

e bajasse . . addò sò ghiuto a ntuppà? nfaccia a sta bardascia che sta de casa eca ncoppa m'ha fatto perdere proprio li cchiancarelle vl. . . Comme va? da stammalina non s'è affacciata maje a lo barcone. . (*spia nel buco della serratura del palazzo*) non se vede nisciuno. (*passa sul davanti*)

Tot. Se reveresco. (*salutandolo con sussiego*)

Tit. Se comprimenta. (*c . s*)

Tot. Vorria no sghezzillo de piacere da vuje, de sapè che nce venite a ffa da ecà attornò.

Tit. Vorria n' auta zechella de finezza da vuje, de sapè chi site che bolite aspè tutti li fatte mieje.

Tot. Sonco chillo tal'e quale bardascio che quanno vò appurà na cosa l'ha dda sapè nzi a la casa soja si accorre, o ssinò nce stanno li mezze pe ffa vommecà la gente e ffarle di chello che tteneno ncopp' a la vocea de lo stommaco.

Tit. Pe ffa vommecà nciavite dato mmiezo, perchè già me se sta rrevotanno lo stommaco, vedunno sto las-o e ppiglia, sto stennecchiamiento che mme state facenno.

Tot. Io faccio lo stennecchiamiento! sì Tl. vuje ve site nformato che Totonno Scamazza, patrone de sè oittatine e otto pullitre, non s'è stennecchiato maje, e quanno s'ha dda fa quaccho fatto se fa zitto zitto e a quatt' uocchie?

Tit. E buje sapite che Tittita Scamazza, patrone de duje magazzino de coria, quanno ha dda dicere li rragiune soje, senza stiente e contrastiente, li ddice zitto zitto co pparole e ecco ffatte?

Tot. (*con amaro sorriso*) Veramente, sì Titta Scamazza?

Tit. Veramente, sì Totonno Scamazza.

Tot. Vuje non ce levate e non ce mettite ne sì Tl?

Tit. Manco chille che se chiammano punte ntrerocattive, sì Totò.

Tot. (*risoluto*) Bè: simmo a lo caso: quatto parole sfrittole sfrittole e ppò a li fatte . . jammo. Tu perchè biene ecà?

Tit. Non te lo boglio dicere.

Tot. No ? e zitto zitto. . ccà stesso miette mano.

Tit. Sine , o te cucche tu , o mme cocco io (*cavano i coltelli e si sfidano*)

T t. Mena. .

Tit. Dàlle. .

Lor. (*comparisce colla moglie , ed il primo si frappono*)

Chiano , chiano belli figliule mieje.

Pascarella. Levate marito mio da miezo ca te ponno spertusà pe scagno. . .

Lor. A cchi ? io tenco core mpietto: (*si pone nel mezzo e li trattiene*) alò ! che ssignifica sto pigliarve a ccortello ? tu sì ommo e ttu sì ommo : tu tiene core , e ttu tiene core . . e ddinto a st'epoca de brillante, volite conservà l'edio, e lo beleno ? volite venì a na sfilà !

Tot. E quanno nce cape non se ne po' fa a mmeno.

Lor. Quanno nce cape, se chiacchiarea primmo a ssanco friddo , se dicenno li rragiune. . .

Tit. Sè . . . e ppò nce verimmo a bino nuovo pe te scarfà . . . tu che baje combinanno , quanno lo sancò è ghiuto all' uocchie vaje trovanono rragiune e non rragiune. . . e ppò co cchi ? co na crapa muccosa..

Tot. Io sò ccrapa ! jesce fora . . cca nc' è sto mausoleo che nce mpedisce. (*indica Lorenzo*) jesce fora..

Tit. Jammo. (*si avviano e Lorenzo li ferma*)

Lor. Aspettate.

Pascarella. Levate da miezo tu.

Lor. Vuò abbuscà ne Pascarè ? signure mieje , comm' a pprossemo che ve sonco , dicite perchè v' appiccecate.

Pascarella. E nce vò la spiega ? d'ogne appicceco chi nn' è la causa ? na femmena. Saccio io che na vota pe l'ammore mio se facettero na petriata quatto munnezzare.

Lor. Oh ! statte zitta mo.

Tot. (*fissando Lorenzo*) (Io non me ncanno , chisto rassomeglia tal' e quale a . .)

Lor. Jammo : dichiarateve nnante a mme, e esi rce vò, v' appiccecate doppo.

Tot. Cca non c'è dichiavamento; isso da sta strata non cià dda passà cchiù, e mmo che cchella figliola è arrevata da Salierno. . .

Tit. Chi è arrevata da Salierno? quanno maje è ppar-tuta chella che ddico io? ogni ghiorno l'aggio vista a lo barcone.

Tot. Aspetta. . aspetta ... sanco de no selettello d'an-necchia! frate mio avimmo obbrigazione a sto buo-n' ommo che ncià spartuto, ea sinò nce sbudellavamo nnocentemente; tu haje suorze pretenzione pe cchella che se chiamma Luciella?

Tit. Gnorsì.

Tot. Scusame, teccote no vaso e ssimma amica scorporate. Io te parlo de Carmenella, la sora de Luciella.

L.r. (tra sè) (Sè! sti duje ridicole sò nnammorate de li figlio meje! state frische!)

Pascarella. Avite visto mo? è cchi è stato la causa de statà st'allummenaria? sto saccettone, sto zuccariello de maritemo.

SCENA VI.

MARIA con involto, quindi LUCIELLA CARMENELLA
e detti.

Mar. Eccome cca a mme... uh! che bella combinazio-ne. . . Totonno pure cca! sine . . sine . . mo è lo tempo, aggio visto asel pe la porta de lo ciardino Simone e Pascariello . . li figliole stanno sole neop-pa . . e cche chiù bell' occasione de chesta? (con re-locità mette l'involto nella sua abitazione, quindi bus-sa il portone e chiama premurosamente) Luciella, Ma-riella, scennite cca.

Luc. (dal di dentro) Chi è Mari?

Mar. Scinne . . scinne co Carmenella.

Tot. Ma perchè? che nnovità è cchesta. . .

Mar. Che me vuò fa. . te voglio fa rummani a bocc'a-perta, Luciella, Carmenella.

Luc. (*comparendo con Carminella dal palazzo*) Marl ,
chedè ?

Carm. Ch' è ssucciesso ?

Lor. Figlie meje care care. . .

Pascarella. Palommelle de lo core mia.

Luc. } Comme !

Carm. }

Tot. } Figlie !

Tit. }

Mar. Sì , chisto è Lorenzo lo patre vuosto , frate gemello de Simone , che se credeva muorto a lo spedale.

Carm. Chesta che consolazione è ppe nnuje !

Luc. Avimmo trovato lo patre nuosto che ssempe tenevamo ncòre de vasarle la mano.

Lor. Mogliera mia , vire che belle piezze de giuvene.

Pascarella. Sine . . sine . . lassatemmelle abbraccià ,
lassatemmelle abbraccià . . io sò la ciaramella de Pascariello.

Lor. La gemella , la gemella : è mmogliera a mme , e ssarrà una de chelle mmatreje che vonno bene a li figliastre.

Carm. Venite ccà , dateme no vaso.

Pascarella. Eh ! io nciavarria a ppiacere . . ma siccome ajere mangiaje cepolle . . me puzza lo sciato e . . .

Luc. Vuje che ccepolle e aglie nce jate contanno . . .
venite ccà. (*invitandola*)

Pascarella. No . . no . . nce stonco attaccata assaje a sti mmeticolezze . . lassate sta.

Carm. Jammo ncoppa mo : appena arrivarrà zì Simone , nn' avrà gran piacere de . .

Lor. Vuje che ddicite figlie meje . . sì mme facite vedè a sratemo , chisto è ll' uneco mezzo pe sfarve lemmonsena nzieme co mmico : vuje sapite ca io sò no pezzente e isso è ricco . . .

Luc. Ha ragione , ha ragione papà : saccio io li mmaledeziune che lle manna quanta vote lle vene dinto a li mmame lo bono mbianco de 100 ducate.

Lor. Lo bi ? è cchello che ddico io ?

Pascarella. Che se nne pozz' accattà tremmentina chille denare che ttene . . . no . . . no tremmentina . . . sfilacce, sfilacce . che ppozza crepà, che ppozza scollà . . pù ! pù ! pù ! a la faccia soja !

Carm. Sì, ma vuje mo che ppretennite ? che mmo che aggio visto a ppatemo vivo . . che mmo che l'aggio canosciuto se po ddi, perchè nce lassaje piccerelle dinto a lo serraglio . io me stacco da li braccia soja !

Luc. Maje e ppò maje . pezzente isso, pezzente nuje.

Carm. Justo, va lemmosenanno isso co la mogliera, jammo lemmosenanno nuje pure.

Lor. Figlie meje care care !

Pascarella. Sanco doce, sanco verace de la mammarella vosta !

Mor. E cehesto non c'era difficoltà, saocio io che belli core che ttengono.

Tot. Signore mieje . . . signore mieje . . . vuje stato chiacchiariano comme ecà non ce stessero sti duje piezze d' àuscele. (*indicando sè stesso e Titta*) Vuje sapite che Carmenella ha dda essere la sposa de Tottonno Scamazza . ommo abbasato, co cchiuove e ba scorrenno ?

Tit. Vuje sapite che Titta Scamazza pretenne a Lluciella pe starla marcià comm'a na principessa pe li frisoie che ttene ?

Lor. E buje sapite che Llorenzo Coccoziello, padre de Carmenella e Lluciella, non ve li bò dà, doppo che li bestisseve de brillante ?

Tutti. Comme !

Lor. Lo conzenzo, comm'a ppadre che ssonco, da li mmene meje ha dd' achi, e non l'avarrite maje e ppò maje.

Luc. }

Mar. } Vuje che ddicite .

Carm. }

Pascarella. T'aggio piscato, t'aggio piscato marito mio, e staje buono.

Tot. Fa buono ! oh ! . . el Lavriè, scetatevi : el ca io

sonco Totonno Scamazza patrone de sè cittatine e otto pullitre.

Tit. V! ca io sonco Titta Scamazza, proprietario de duje magazzino de corie.

Lor. Sì Scamazza e Scamazza, vuje putite scamazzà comme volite vuje, ca li figlie meje non fanno pe sti soggette.

Pascarella. Ha ragione e ha ragione co lo ssupierchio, saccio io le pperchè...

Tot. Sapite lo pperchè? sentimmo qua è sto pperchè...

Lor. Gnorsì, io donco li figlie meje a deluje che ppe primmo pregio e ornamento portano la pistola neuollo, lo stile, lo stocco e bba scorrenno: se portasse ndifesa, comme lo portano tant'auto... via via; ma gnerò, sò cchilli tal' e quale che pe no misero equivoco, comme s'è bisto poco primmo, n'auto ppoco se scannavano comm'a ppuorce.

Pascarella. Dice buono, dice buono: pe la casa nosta nce vò lo sanco chiù ffriddo, nce vò lo coro de piccionciello, no lo core de lione.

Tit. Tu che ppiccionciello e lione me vaje combinanno: uno che ave n' offesa non ha dd' aspettà chiàcchiere, ha dda menà cortellate.

Tot. Perchesto mo e libertà e ccostituzione.

Lor. Lo b! ? lo b! ? la parola che nce ncanna: — è libertà, è ccostituzione — La costituzione non è stata data pe sta gallia li birbante, li ntrigante, li pazze... capite, piezze d' animale! Io sò stato strujuto dinto a li carcere da lo cavaliere Errico, e tte lo ppozzo dicere, capisce? La costituzione costituisce l'animore sbiscerato pe lo simmelo nuosto, non già l'odio, la stizza, l'egoismo, lo cecero prodomo meo... La libertà è no gran dono che ncià dato lo Cielo, ma s'ha dd' assaggià co tutta delicatezza e mmoderazione, ca s'ind nce fa rompere la noce de lo cuollo.. Gnorsì: perchè è libertà, se magna, se veve, se mbriaca, se nzurda e sse fanno mille e mmille stravizze: perchè è libertà uno pe ccombinazione te smeste, na parola

porta all' autà , e lte siente dicere — miette mano a lo cortiello — uno pe scasualità guarda na femmena de li ttoje nnocentemente, tu t'allumme de capo, miettemano a lo cortiello e nsciche... che haje da nscicà la nasceta de mammeta ! chillo che se chiamma frate tujo se rispetta comme a lo sanco tujo stesso , capisce ? st' abbuordo , sti ricce , sto friso a la scolla, sto va e biene quanno parle, st'ammartenatezza... sò ccose che ffanno redicolo ll' ommo... core, coro piatuso, sincero, e fermo nce vò mpietto e nnient' auto, p'essere apprezzato da lo simmele, p'essere beneditto da lo Cielo , p' essere amato da tutto lo munno , e in fine pe ccanoscere li dovere che spettano a no buon cittadino onesto , sincero, e subordinato sempe a la legge che lo governa.

Pascarella (inebriata eccessivamente) Tè, tè, marito mio, no vaso che nce cape , tè : asciuttate lo sudore che haje faticato no poco supierchio. *(cava un fazzoletto lacero e gli pulisce il volto)*

Carm. Uh ! che ssaccentone de patre che ttenimmo !

Luc. Che ppiezzo de zuccaro a ppanetto !

Mar. Ah ! mm'è recriata proprio, ma veramente m'è recriata.

Tot. (a bassa voce) Ne Tl , è ntiso ?

Tit. Nce ll' ha veramente cauzata.

Tot. Ebbiva ! aspettateme no minuto e ssò ccà. *(via)*

Tit. Na mez' ora e ttorno. *(via)*

Pascarella. Sò addeventate pròpete duje cuniglie, vl.

Lor. Essi , non ne poteva cchiù.

Carm. Che banno a ffa mo ?

Lor. Eh ! l'aggio piscato io , e ssaccio pure qua è lo specifico che usarranno.

Mar. (guardando pel mezzo) Uh ! uh ! torna lo frate vuosto Simone e Pascariello.

Lor. Scappa scappa. *(fugge a dritta)*

Pascarella. Annasconnimmoce. *(fugge a sinistra)*

Atar. (alle giovani) Fujte, fujte, non ve facito vedè ccà abbascio. *(viano le ragazze sopra, e Maria nella sua casa)*

SCENA VII.

SIMONE e PASCABIELLO

Sim. Gnersì, isso era.

Pasc. E ccomme va lo fatto? Totonno, chillo che ha dd' apparentà co ttico, te vede da chella 'poteca che sta ccà bicino, e ffa fenta de non canoscerte!

Sim. Avcsse cagnato penziero pe Ccarmenella?

Pasc. Eh! la cosa non pò essere disficele, perchè chel-l'ha tricato otto mise a non tornà a la casa.

Sim. Non sulo, e ppò l'avarrà visto co n'abeto tutto a lo ccontrario de chillo che tteneva primmo...

Pasc. Co na capo fatto a sguiglie de cepolla...

Sim. Avarrà ntiso chilli quattro scarrafune che lle sò n-sciute da vocca...

Pasc. Avarrà saputo ca mo conosce lo leggere... isso ch'è no turzo vestuto, l'ha pigliato nfaccia e...

Sim. Che beco! *(mettendo la testa al di fuori del cortile)* è isso che bene da chesta parte.

Pasc. Uh ccaspita! chillo è Totonno ncarna e ossa.

Sim. E comme va vestuto? sangue de no casecavallo vecchìo! chisto avesse pure cagnata la bussola? Oh! ppe lo Sole liene che dintò a la casa mia non ce met-tarrà chiù ppede.

SCENA VIII.

TOTONNO, quindi LORENZO PASCARELLA e detti.

(compare il primo senza gli ornamenti da bravaccio, e si avvia pel palazzo, nulla curandosi di Simone e Pascariello)

Sim. Ne signor mio... non ve chiammo pe nnome perchè non vi distinguo più per quel Totonno di prima: che pretendete dalla mia casa?

Tot. *(con tuono familiare)* Chi è... che ddicite... io non capesco ..

Pas. Non capisce?... là non se nce mette cchiù ppede :
nc' è capisciuto ?

Tot. Ah ! llà non se ce pò mettere cchiù ppede ? è ccosa
de poco momento : mo io non metto cchiù ppede llà
ncoppa, e chella che sta llà ncoppa mettarà pede ccà
abbascio.

Pas. Chi sta llà ncoppa ?

Tot. Carmenella mia.

Sim. Carmenella ! Carmenella è mia nipote... capite? voi
non ci avete nessun dritto.

Tot. Vostra nipote sissignore, ma quase mogliera mia,
perchè nce tenco parola data co la volontà vostra.

Sim. La volontà mia mo non c'è cchiù : io ntenneva
darla ad un uomo intero, ad un soggetto di coraggio,
ad un essere che metteva soggezione pure a li pprete;
come site stato fino al giorno di jeri in quà.

Pas. Dal giorno di jeri in quacquarà, oggi st'ommo de
coraggio ha posto il musso nel solito veveraggio, ed
è diventato un soggetto del mese di Maggio, per cui
andate o vi faremo fare un brutto viaggio.

Tot. Chill'apparato de jere me renneva n'ommo redicolo
sbafante e cchiacchiarone; sto vestito semprice e sciuo-
veto fa capì lo stato d'eguaglianza, e v'attesta che ccà
nc' è no core tutto a lo ccontrario de chillo de jere :
ajere nce steva stizza, veleno, fummo, e superbia,
ogge nc' è ammore, affecchienza, sincerità e sfermezza.

Sim. Sì ? sta molto bene : sto core de mo non fa cchiù
pe la casa mia, uscito fuori da questo cortile perchè
non ci avete più che pretendere.

Tot. Ho molto che pretendere, nce sta no muorzo de
mogliera.

Pas. Mogliera ! nu fora bannera non fa per la nostra
salera... fuori.

Tot. Mo, facite scennere chella che sta llà ncoppa.

Pas. Chella che sta llà ncoppa, ha dda i cchiù ncoppa,
e s'ha dda piglià chi non tene ncuorpo la stoppa; ca-
pite signor mio asso di coppa ?

Tot. Tu non parlà, tu stàtte a lo luoco tujo e ba cra-

sta a cchi può crastà...

Pas. Io crasto! e che stoneo a lo pontone de Madalune?

Sim. Oh! senimmola... fuori o sinò vecchio e buono me faje fa chello che non aggio fatto maje.

Tot. Ah! volete che mme ne vado? e io ve servo; ma ve juro che appena Carmenella me sarà mogliera... .

Sim. Mogliera a tte! nce vò lo conzenzo mio.

Pas. E ssi te lo volesse dà io l'attacco lo vraccio deritto.

Tot. E che nc' è abbesuogno de lo conzenzo vuosto? ah! ve credite che... ah ah ah! vuje state scarze de notizie; cca mo nc' è no stagna-sanco che... ah ah ah! v! comme se mettono ntuona tutte duje, se credono che lloro mo ponno ncuollo a echella, quanno... ah ah ah! uno s' allumma da na parte, n' auto s' allumma dall' anta, e la fava se sta cocenno co ll' acqua soja stessa... ah ah ah! (*via ridendo*).

Sim. Ccà mo nce sta no stagna sanco! chi è sto stagna sanco?

Pas. Stagna sanco! no, stagna tiella sì, ch'è cchillo che ajere te stagnaje la cazzarola... ma stagna sanco no.

Sim. Ha sbagliato, non c'è lo stagna sanco, ma nc' è lo diavolo neuorpo a mme ca mo proprio m'è ttrasuto.

Pas. No no diavolo, è ttrasuto tutto lo nfierno dinto a la trippa mia co Porpeltone mperzona.

Sim. Plutone.

Pas. Co Spuntone sì, me n' addono a li cciaravelle che me sento ncuorpo.

Sim. Vennetta, vennetta contro a sto ridicolo.

Pas. Sì, vennetta e la cchiù sorchiatissima vennetta.

Sim. Chisto parla accossì perchè avrà progettato d'arrobbarme a Gcarmenella... ma primmo che ffa cheso, sta sera a quatt' uocchie lle faccio fa na batteria.

Pas. Sì, dice buono, nce li sfacimmo dà nfaccia a li gamme, accossì se mette dinto a lo letto fino all' esterminazione de' suoi giornali.

Sim. Sine: e ttratanto facimmo veni D. Gennaro Tufo, lo proprietario che me cercaje tiempo fa Carmenella: isso se l' ha dda sposà a la faccia de Totonno.

Pas. Sì, isso, mo lo vaco a cchiammà a lo cafè, lo vaco a pprìà, lo porto ccà, lo faccio assettà, lo faccio parlà, squasià, e boglio tenè na cannela che ha dda superà tutte li ccannele che aggio tenuto nfi a mmo, de cera vergene, e ccera mmaretata.

Sim. Sine, curre mo da D. Gennaro e pportatillo co tlico.

Pas. E ttu curre ncoppa e barrea barcune e fieneste.

Sim. Rigoro...

Pas. Mazzate...

Sim. Cauce e mmorza...

Pas. Perepesse e pponia...

Sim. Sotto a li piede accossi... (mostrando di volerle schiacciare)

Pas. Felle asci lo core accossi...

a due. Vennetta, vennetta. (viano per parti opposte)

(Ricompariscono subito Lorenzo e Pascarella
e ridono sgangheratamente)

FINE DELL' ATTO PRIMO.

A T T O II.

Camera con porta nel mezzo e due porte laterali.

SCENA I.

CARMINELLA *introducendo* **LORENZO e PASCARELLA**

Carm. Non è possibile, no, no, e nno: vuje avite da fa chello che v' ha priato Totonno, vuje avite da staccà, vicine a li figlie vostre.

Lor. Ma gioja de papà, perchè vuoje che scontrannomo co fratemo, mmece d'abbracciarce nuje venimmo a mmazzate.

Pascarella. No no, bella mia, maritemo mme preme: sto sproccolillo tenco, me vuò levà lo sproccolillo e ceomme fa pò sta povera sarcenella? isso co ssalute v' ha dato lo conzenzo, mo Totonno abbascio a la casa de Maria co lo notaro sta facenno li ccarte pe lo matrimonio, sposatevi e ddoppo...

Carm. Ma si è ppe li ciente ducate che avite da dà a zzi Simone, Totonno ve li bò caccià...

Lor. Non signore, non signore, io mo non accetto niente. Totonno è no stranio e non me conviene de ricevere li denare da lo nnammorato de figliema; appr

te sarà marito, allora legalmente lo riconosciaraggio comm'a n' auto figlio, e accettarraggio li favure suoje.
Pascarella. Bravo! ommo annorato nzi a l' accoppatura.
Carm. Embè, e ssia accossi; ma mo perchè li volite contradi? Chille hanno ditto che appena fatte li matrimuonie vuje starrite co nnuje, e non ve mancarrà maje cchiù no tuozzo de pane fino che lo Cielo ve darà vita.

Lor. Gnorsì, me persuade lo pparlà tujo... ma addò nce mettimm pe non essere viste nè da Simone, nè da Pascariello; dinto a la casa de Maria non ce potimm sta, perchè ascenno fratemo da lo palazzo nciabbista, e bonanotte a Ccola.

Carm. Ccà, ccà, chisto è luogo sicuro: (indica la porta di mezzo) sta cammera è segreta, ccà nce stanno robe vecchie e nnisciuno de lloro nce trase: vuje annasconniteve llà dinto e arrepusateve ncopp'a no canapè vecchio; si pe combinazione vedite che s'arape la porta, ve nne potete scappà da llà e dda ccà, (indica a dritta e sinistra) nce stanno doje aute asciute e portano pure a sta galleria.

Lor. Che ddice ne Pascarè?

Pascarella. Asseconnammola, finalmente sta cosa dura fino a cche non se sò fiate li ccarte e vve sposarrite.

Carm. Justo accossi, ca sinò primma de li matrimuonie ve potete scontrà co zziemo, venite a cchi si ttu e cchi sonco io, e sse fa na pubblicità pe lo quartiere.

Lor. Embè, trase co mmico mogliera mia.

SCENA II.

GENNARO , PASCARIELLO e detti , quindi PASCARELLA

Gen. (dal di dentro) E Ccarmenella addò sta?

Lor. Ah ah ! na voce nova !

Carm. Chisto è lo proprietario che me vorriano dà pe mmarito. *(Lorenzo entra nella stanza di mezzo e chiude la porta)*

Pascarella. Vuè, è utiso mo chello che t'aggio priato poco primma ? figne e stalle ceremmonie.

Carm. Ma si D. Gennaro Tufo se vommechea

Pascarella. E ttu vommechea!o purzi , accossi se piglia tiempo fino a cche non so statte li ccarte pe ve sposà.

Carm. Trasite trasite ca vene co Ppascariello. *(entra Pascarella)*

Pascariello (subito si rende visibile) Ccà, ccà D. Gennaro: eccola ccà bella pronta e spriceta che v' aspetta co li braccia aperte.

Carm. Sì sì , D. Gennaro mio bello , favorite.

Gen. D- Gennaro mio bello ! e quanno maje t' è asciuta sta percocata da la vocca ? io tiempo fa pe ssalutarte soltanto , pe ppigliarte la mano e ddirte — quanto sì bella — avette da li mmane toje no papagno accossi caruale che me facette associà all' acqua de lattuga , t' assicuro che ssulo D. Gennero Tufo patriotta , proprietario e ccorrentone , portato assaje pe la roba rustica , potette digerì chella sciorta d' azione.

Carm. Tiempo fa , gnorsì , ma mo...

Pas. Mo è ttutt' auto , mo ha conosciuto che cchillo smocco de Totonno che la pretendeva è no vota bannera , ha conosciuto ca vuje site no buono parpacchione..;

Gen. Parpacchione !

Pas. Voglio di no piezzo gruosso , vl.

Carm. E non te saje spiegà Pascariello mio , non se dice parpacchi- ne, se dice lasagnone... vl, la lasagna quanto cchiù grossa è , cchiù se renne porposa e ssaporosa.

Gen. Sì, va bene... ma sto parpacchione, sto lasagnone... sta cadenza in onè lassammola sta.

Pas. Sì sì, ausa la cadenza in jello... sto signoriello...

Carm. Sto rammagliettiello, sto ciancusiello, st' assanguatiello... (*tra sé*) (*che te pozz' asci lo scartiello...*)

Gen. (*fuori di sé per la gioia*) Pascariè, Pascariè, mo mme vene na cosa pe la contentezza! sti sciorte de sciure stanno ascenno da la vocca de Carmenella!

Carm. E che v'aggio ditto... è ppoco, è ppoco pe lo merito vuosto.

Gen. È ppoco! oh! bene mio!... e addò me steva stipata sta consolazione... io sto sconocchianno.

Pas. Assettateve, assettateve: Carmenè assèttate, facite l'anmore cum pubblica commoditas... te cca: (*ti fa sedere*) oh! essi, a lo mmanco tu te piglie n'ommo nobile ricco e ccauzante; Luciella s'acchiappa a mme che ppure sto mporpato, e ppare che tutte doje potite essere li flemmene cchiù felice de lo munno.

Gen. V! che ddice! chesta addeventarrà prindepessa a lo scianco mio; io cammino e besto a la bona gnorsl, ma v! sò l'ommo de 50milia ducate, tenco paglia sotto, sò ssulo, senza nisciuno che mme commanna, sò no poco vicchiariello, gnorsl...

Pas. Vicchiariello! vuje site cchiù forte de no toro marino, li gguarnezziune nfronte ve mancano, ma pe lo riesto lo rassomigliate.

Gen. Non parlà tanto Pascariè. ca tu pe llodà la gente li subisse: io Carmenella mia vado trovanono pe guida na figliola casareccia, non mporta ch'è na popolana... anze sto genere è stato sempe la passlone mia perchè me l'educo seconno li mmasseme presente.

Pas. No no, te ll' haje da educà raccoveta, ferregna...

Gen. Me lo beco io Pascariè, onde essendoso data mo la felice combinazione che tu... che io... scusa amico-ne mio sì...

Pas. Ch'aggio da scusà, chiacchiarate, dicteve li fatte vuoste senza scuorno, se tratta ca dimane avite da ncatenarve... anze, pe non darve soggezione mo io

vaco dinto p' associà ciete ppartite che aggio esatto poco primmo, azzò quanno torna Simone trovarrà lo cunto bello e fritto: permettite D. Gennà.

Gen. Siervete Pascariello mio, e tte ne resto assaje obbligato sa.

Pas. Che ncentra, aggio fatto lo dovere mio p'apparentà co no piezzo de zarnacchione accossì ricco. (*entra a dritta*)

Gen. Lo bl? pe ccomprimentarme te mena na scarola ogni tanto... io sò zarnacchione!

(*Pascarella mette la testa al di fuori della porta di mezzo ed anima Carminella perché dialogasse con Gennaro, quindi rientra*)

Carm. (*tra sè*) (Ah! che ppena è a bommecchiarlo co sto sciabolone!)

Gen. E accossì? Carmenè, mo stammo sule: dimme chiaramente, tu me vuò bene? tu me piglie co ppiacere, co ardente desiderio?

Carm. (*tra sè*) (Pecchè simmo sule io non tenco coraggio manco de guardarlo nfaccia... uh! ntiempo trase Maria...) (*chiamandola con premura*) Mari, Mari...

Gen. No, no, non chiamà gente, parlammo accossì a quatt' uocchie.

SCENA III.

MARIA e detti, quindi LORENZO, poi TOTO

Mar. Eccome cca... uh! D. Gennaro! ve sò schiavottella pappone mio aggraziato.

Gen. Sì sì... ma sti ccerimonie che mm' è fatto nzi a mmo, astienete n' auta vota de farle.

Carm. No, no; non c' è gelosia co Maria, chiesta s' è ccrisciuta co nnuje, è na bona femmena affezionata....

Gen. Sì lo ssaccio, e ssaccio pure la bella compagnia che ha fatto a la felice memoria de lo marito. ma vi, scena mo pare che vada cambiando dovendomi sp con voi.

**

Mar. Ah ! vuje ve pigliate a Ccarmenella ? e lo scappite de certo ?

Gen. Almeno , per quanto si è detto , per la premura che ha avuto Pascariello in chiamarmi per parte dello zio ; per l'amicizia che tengo co D. Simone che m'ha puosto a pparte de tutte li segreti suoi , e io scaccio chello che non sape nisciuno , essendo anche a conoscenza del notaro che... basta, ciò che mi fa più che certo , è la maniera comme parla Carmenella... (*comparisce Lorenzo , ed anima come sopra la figlia*) :

Corm. È l'ammore de Carmenolla che non bede auto che pe sti bell' uocchie : che non arreposa cchiù la notte penzanno a D. Gennaro sujo... a sto bell'ommo, a sto schiecco.

Gen. Basta basta... troppa roba , troppa roba... (*tra sé*) (chesta mo la stesse menanno dinto a lo crovattino...) (*guarda casualmente Maria, che sorridendo gli fa capire d'essere burlato*) lo bi ? piccerè, tu me stisse cussianno ?

Carm. A mmel e io sò figliola de di na cosa pe l'au ta ! e io ardiva de portarve pe lo naso ! (*Maria replica la stess' azione*) lo... io aspetto lo momento de... (*guardando per l'esterno*) (oh ! finalmente è benuto Totonno...) Totonno mio...

Tot. (*premurosissimo*) Mè mè : tutto è fatto , vieneten-ne viè.

Carm. Li ccarte ?

Tot. Sò scompute ; l' amico notaro sta dinto a la case de Maria , vienetenne ca simmo leste. (*Carminella gli dà braccio e viano*)

Gen. Ch'aggio da fa !

Mar. Avite fatto sta bella figura avite fatto.

Gen. Ma io ll'aggio ditto che sta cosa ditto nfatto non me capacitava : me dispiace che chiù dd'uno de lo casè , addò m'è benuto a cchiammà Pascariello , ha saputo ca io me veneva a nzorà.. la voce sarrà passata nnante.. mo sà che ccueca me farranno.

Mar. E ssulamente Carmenella nco steva ? dirigitave a a Llucciella che pporzi...

Gen. No no no: sti ppiccerelle de prima uscita non fanno pe mme e... ora lo penziero de nzorarme nce sta, la guida che mme serve noe vò.. Mari, avisse piacere de..

Mar. (soddisfatta) Oh! e quanno ve nne veniveve a cchello che ddiceva io... essi, vuje site portato pe la gente bassa, onne...

Gen. Non servono chiù pparole: tu mme sarraje mogliera e io ne restarraggio cchiù che ccontento.

SCENA IV.

PASCARELLA, quindi LORENZO, poi TITTA
infine LUCIELLA.

Pascarella. Ne Mari? Carmenella se nn'è ghiuta co Tottonno, e Llucciella?

Gen. Ch'aggio da fa? Pascariello s'è bestuto da femmena!

Mar. Chisto non è Ppascariello, chesta è Ppascarel'a la sora gemella de Pascariello: io vaco da li spuse pe ssapè Titta addò sta. (via)

Gen. Vuje site la sora de Pascariello?

Pascarella. A sservirve.

Gen. E ccomme va che D. Simone non me n'ha parlato maje.

Pascarella. D. Simone non sape niente de la venuta nostra: cca sta pure maritemo, lo frate gemello de D. Simone, che so credeva muorto.

Lor. (comparisce) A sservirve, a sservirve.

Gen. A flavorirme: tò tò! D. Simone speccecatol... mo capeisco la mpocchia... vuje comm'a ppadre de li figliole avite dato lo conzenzo a li matrimmuonie de li figlie vostre, lo notaro sta dintò a la casa de Maria...

Pascarella. Gnorsì, e dde nascuosto se fanne li matrimmuonie, a la faccia de D. Simone.

Gen. Ma perchè non ve site svelato a lo fratello?

Lor. Me svelarraggio appena se presentarranno li figlie meje co li marite lloro: perchè si me donco primm'a cconoscere...

Gen. Sì sì, mo me ricordo, nce sta l'affare de li 100 ducato che ve dette.

Pascarella. Sciù! a la faccia soja, non sapeva cchiù a cchi lo ddicere chillo nfame.

Gen. Ma però, vuje non sapite na cosa? lo notaro de la penzione....

Lor. (*guardando per l'esterno si sorprende*) Che beco! Titta torna cca ncoppa l vide vide tu de che se tratta' io voglio evità de farne vedè a fratemo, si ncaso maje mo se retira. (*entra nella stanza di mezzo*)

Pascarella (*a Titta che arriva*) Embè? vuje non avite dato la mano a Luciella?

Tit. E cchi l'ha vista scennere abbascio? ... che ssaccio... chella me pare tutta mbarazzata... quase quase comme me jesse fujenno.

Pascarella. Fujenno! vuje che ddicite! (*guardando per le stanze interne*) ah! teccotella che bene: Luciella...

Gen. (*tra sè*) Oh! io non me parto da cca ncoppa, avranno da succedere belli scene, me li boglio godè...

Pascarella (*a Lucia che giunge*) E accossi? tu che ffaje, no scinne abbascio a la casa de Maria?

Luc. (*a Titta*) Uh! vuje state pure cca ncoppa!

Tit. Che mmeraviglia vo facite: comme! la sorella non v'ha ditto che lo notaro sta abbascio facenno li ecarte de li matremmuonie nuoste? non sapite che ppapà Lorenzo ha dato pure li conzenze? Carmenella me proprio ha sposato Totonno...

Luc. Sì, conosco tutto, ma....

Pascarella. Ma che?

Luc. Che ssaccio... vurria primma essere certa de...

Pascarella. De che? parla; li matremmuonie non sò ppezze vecchie che se scoseno: schiarificate primma li ccoso... mò ... senza soggezione. ... diciteve li fatte nuoste; io e cchillo signore nce ne jammo si volite.

Luc. No, anze aggio piacere che state presente e ssentite li rraggiune meje.

Tit. Sentimmo qua sonco.

Luc. La felicità de na figliola che se mmarita, è chella

d'avè no compagno de bona condotta... è lovè ?

Tit. Sicuramente.

Pascarella. Comm'a lo marito mio Lorenzo, che non fuma, non ghioa, non magna... no no magna assaje, pe cchesto ntanto.

Gen. Oh! lassala dli mo.

Luc. Vuje si Titta mio, scusateme sapite, pe quante m'hanno ditto, facite una vèppeta co li compagne, e spicialmente mo, guidate da la libertà, non facite auto che la notte co cchitarre, flaute e violine, de ire cantanno e spassannove da meglio mmeglio: oltre de chesto ve la passate pe ddinto a li casè attaccanno questiuone e apprettanno a cchisto e a cchillo; ve nne jate a li ccase de juoco pe ffarve nò mediatore, no tressette, no zecchinettiello...

Pascarella. Ah! nzomma vuje site lo nùdeco de tutte l'uommene porcielle!... no... no... ha ragione, ha ragione... voca fora ch'è mmaretto.

Tit. Chià, chià, cca non c'è mmaretto... embè, Totonno non era de la stessa partita mia, e mmo è addeventato n'auto qualità d'ommo? e st'abeto moderno che pporto, sto portamiento chiù ddocele che mme sta guidanno... non sò pprove de na nova condotta? mo pare che ll'ommo che se ricrede e rrinunzia a ogni ssorte de fraschettaria, s'ha dda stimà... scusateme, non s'ha dda ire fujenno.

Pascarella. Siente, quanno na' è ttutto chesto, mme pare che non haje che rrisponnere, figlia mia cara cara.

Gen. T'ha ditto chelle tale o quale parole che convingono.

Tit. Non ce penzate, ca lo pparlà de papà vuosto m'ha fatto nascere n'auto vota se po ddi, e cchella libertà che lo Ctelo ncià dato la saccio mettere in uso co ttutta moderazione e rispetto.

SIMONE e detti , quindi MARIA poi PASCARELLO

Sim. Che!... che beco l' (*Pascarella è a lui di schiena*)
voi chi siete?

Luc. (*tra se*) (*Mbomma!*)

Pascarella. (*Sò rrummasa ncastagna!*)

Tit. (*Mo vene lo bello!*)

Gen. (*Chesta mo è ccara vl.*)

Sim. In somma non si risponde?

Pascarella. In somma . . in somma. .

Sim. Che! tu vestuto accossi!

Pascarella. Sì . . vestuto, spogliato . . . comme mmà
lora sto , non te n' incaricà . . (*tra se*) (*chisto n ha
pigliato pe fratemo Pascariello!*) Sto giovane s'ha dda
sposà a Lluciella , e non c'è che ddicere.

Sim. S'ha dda sposà a Lluciella! faccia mia e ttu che
nciavive tutte le ppretenziune, mo rinunzie a la ma-
no de sta bardascia! la ciede a n' auto, e ddaje brac-
cio a sto nuovo ammure vestuto da femmena! che
stammo a Ccarnevale che mme faje ste scenate? . .
rispunne strambalatone che s-l.

Pascarella. Risponno . . risponno . . . (*confusa*) che o
femmena , o ommo , sempe na cosa sonco . . . che
aggio riflettuto che Lluciella guardava a chisto co
ppassione ; la passione porta appriesso la conzunzio-
ne ; la conzunzione è figlia de la spasimazione.. mo
lloro vanno a sposà , e ttu rummane comm' a uo
maccarone.

Sim. Uh ! ppovertello a mme l' chisto è asciuto pazzo!

Gen. Ah ah ah!

Mar. (*presentandosi premurosamente*) Luciè , Tl , vuje
scennate abbascio , sì o no? . . uh! cca sta D. Si-
mone!

Sim. Ab! ascio , ncoppa! ccà che mbruoglio se sta fa-
cenno . . ve facite asel lo spirito , sì o no?

Pascarella. Che mbruoglio e mbruoglio . . ccà li ccose

se fanno apertis verboribus, capisce? jate tutte quante e sfacite li fatte vuoste. (*viano Titta Luciella e Mariella*)

Sim. Addò hanno da i? aspettate, fermatevi... tu che arma de mammeta è fatto! tu sì lo prossimo sposo de Luciella, sì o no? e pperchè la ciede? perchè non te la spuse? . . .

Pascarella. La sposa chillo ch'è lo stesso.

Gen. Ah ah ah!

Sim. D. Gennà, non ridere mmalora! corrimmo appriesso a cchilli sberrute. . .

Pascarella (*lo trattiene*) Addò vuò ire . . . non te muovere da ccà sa . . . non te muovere che te ntorzo ll'uocchie: chella vò bene a Ttitta, e Ttitta vò bene a essa, lo ssiente bonora!

Sim. Che aggio da senti . . lo matrimmonio ll'haje da fa tu, tu haje da essere lo marito, capisce?

Pascarella. Io non me lo pozzo sposà.

Sim. Ma perchè?

Pascarella. Per alcune impreviste circostanze.

Sim. Tu che ccircostanze, tu sarraje asciuto pazzo. . . io mo te storzello la noce de lo cuollo.. (*per intire*)

Pascarella. Statte sodo sà . . non me mettere li mmane ncuollo, ca pe lo cuorpo de la lanterna de lo muolo. te nne faccio misesca . . . Che buò? che ppretienne? sò nnate ll'uno pe ll'auta, se vonno bene e non haje che ddicere . . ah! pe ccaccià fuorze la dote? . . . non mporta . . non mporta . . chillo se la piglia senza treccalle pe ffa canoscere che ddifferenza passa tra te e isso, capisce? ausuraro puorco! ca staje mporpato de chesta manera, e avisse avuto da caccià na scella de fegato, capisce? avisse avuto da soccorrere chillo povero frate tujo che ddoppo che sparettero li ciento ducate che lle mprestato, fuje obbrigato a gghi a lo spetale pe mmancanza de mezze.. e lo dovere tujo sarria stato chillo de ire a Pponza a ppigliarettillo, e mmetterlo dintò a li ccarne toje . . . ma no, ma no . . pe no spennere, pe non caccià no grano . . .

haje scordato sangue, nasceta, tutto, tutto . . . Denare! denare! aggranfe! allupe! sorchia! e lo denare tanta vote fa li cchiù pporcarie de lo munno . . . fa scordà dovere, umanità, mette mmiezo li trademiente . . . fa cose de lo diavolo . . . sciù! sciù! sciù! acciso tu, e tutte li nfame pare tuoje! (*via nella stanza di mezzo*)

Sim. Io . . . io mo schiaffo de faccia nterra!

Pasc. (*si presenta dalla dritta*) Ne ch'è stato D. Simò?

Sim. (*fuori di sé per la sorpresa*) Uh! che rroba è? t'è levato la vonnella?

Pasc. La vonnella! e quanno maje m'aggio puosto la vonnella!

Sim. E' fenuto de fa lo redicolo, è fenuto de dirme chelle quatto maleparole! haje lassato de smiccià lo cannelotto!

Pasc. Chiammate mastro Giorgio, D. Simone è asciuto pazzo.

Gen. Ah ah ah!

Sim. Lo pazzo sì ttu che ppoco primma te sì bestuto da femmena.

Pasc. Io no sò bestuto da femmena! io rinunziava il mio calzone che mm'è stato neuollo fin da che sbucciavi nelle umane catapecchie! io sò stato semp' uomo, e boglio mo! omicoso, capisce?

Sim. Jate a cchiammà gente, pe ccarità, facimmolo portà a Aversa.

Gen. (*ridendo eccessivamente*) Chillo se crede che . . . e chella è asciuta da . . . Ah ah ah!

Sim. D. Gennà, diavolo cioncate! parla tu, st' imbecille poco primma no steva vestuto da femmena?

Pasc. (*gridando*) Chi?

Sim. Tu, tu: sì haje voluto porzi che Lluciella se fosse juta a sposà Titta.

Pasc. Chi . . . comme . . . io aggio perzo Luciella mia! parlate . . . addò sta Luciella.

Sim. Cca nee capimmo, sì o no?

(*odessi dal di dentro della stanza di mezzo il ridere di*

Lorenzo e Pascariello) Ah ccancaro ! cca nc' è mbruoglio ! e llà ddinto sta lo nghippo.

(*entrano nella porta di mezzo , e qui vedesi un gioco a concerto tra i quattro gemelli che entrano ed escono per diverse parti. Finalmente Simone e Pascariello s'introducono nelle due porte laterali , il primo a sinistra ed il secondo a dritta , e vengono chiusi da Lorenzo e Pascarella*)

Lor. Statte chiuso lloco ddinto , briccone !

Pascarella. Statte serrato lloco comm'a na marmotta.

Pasc. (*dal di dentro*) Arape . . arape.

Pascarella. No , schiatta , schiatta . . lloco ddinto haje da sta.

Pasc. Arape . . arape. .

Pascarella. No . . no . . crepa.

Lor. Non lo voglio fa asci p' evità lo furore sujo fino a cche tornano li figlie meje mmaretate.

Pascarella. E io faccio lo stesso.

SCENA ULTIMA

TOTONNO , CARMINELLA , TITTA , LUCIELLA , MARIA
e detti.

Mar. Ecco ccà li spuse.

Lor. Beneditte , beneditte figlie mieje.

Pascarella. Salute e figlie mascole.

Gen. Presentatele mo a lo frate vuosto e Pascariello.

Lor. Co ttutto lo core , mentre li jènnere mieje schiaffarranno nfaccia a sfratemo li 100 ducate che lle sò debitore.

Gen. Cioè , isso è ddebitore a li figlie voste de cchiù de no centenaro.

Lor. Comme !

Gen. Cheste teneno trenta ducate a lo mese pedonno , che ll' ha rummase mbita durante lo cavaliere Errico.

Tutti. Che !!!

Lor. Ah! ecco l'effetto de na bell'anema costituzionale, m'ha fatto felice doje povere figlie . . . Vivano li bon core de lo munno, e pprova one sia chiste che nce stanno presente, (*indica il pubblico*) li quale se sò ddignate co la solita indulgenza d' accettà sto tratto de core de no servo sincero e affezionato.

70739

F I N E.